

&c. Finis: a quo ut laudari mereamur in futuro. concedat ipse propitius. nos eum dignis in presenti uita collaudare seruitiis. Amen. Plura descripsi; arbitror enim me ignotum hactenus Haymonis in *Proverbia* Commentarium deprehendisse. Nam et *Codex* totus eadem manu decurrit, et ut Commentarium Viri hujus in *Cantica* praecedere vidimus, ita videbimus ea

subsequi, quae is in *Apocalypsin* congeffit. Nemo quidem diserte adserit, eum *Proverbia* tractasse, ait tamen *Trithemius* n. 257. multa eum praeter ea, quae nota sunt, scripsisse, *Sigebertus Gemblac.* c. 135. multa exposuisse, denique *Fabricius Bibl. med. Lat. L. VIII.* p. 182. e *Chronico* ms. *Job. Winigstadii* hoc de eo testimonium excitat:

*Explicat ingenio Biblia tota suo.*

Laudabilem igitur locabunt operam Bibliothecarum Praefecti, si in excutiendis scriniis suis Expositionis hujus rationem habuerint, quam integram fortassis et Haymonis insignitam nomine deprehendent.

III. fol. 22. p. 2. absque inscriptione *Apocalypsis S. Johannis*, hinc inde glossis adspersa, et ad illius calcem fol. 40. p. 2. pariter *ἀπεριγεγραφέως Expositio*, cujus Prooemium incipit: *Johannes apostolus et euangelista a domino christo electus atque dilectus. in tanto amore dilectionis ab eo est habitus* &c. Expositio ipsa hoc tenore sequitur: *Johannes apostolus propter insuperabilem euangelizandi constantiam a domitiano cesare in exilio in pathmos insulam relegatus* &c. et sic progreditur usque ad verba: *Mittens per angelum*, ubi in Haymonis Commentarium infra referendum, impressumque Colon. et Paris. 1531. 8. incidit; legitur enim ulterius: *Iste angelus in figura christi apparuit beato iohanni* &c. Nequaquam tamen to-

tum descripsit Haymonem Librarius, sed carptim processit usque ad C. XVII. v. 7. in quo scribere desit.

XLIII. VIII. g. 14.

Codex membraneus lat. Sec. 590 XII. Folior. 168. 4. nitidissime exaratus, coloribusque variis diversos S. Scripturae Libros complectitur, hoc quidem ordine: I. *Incipit Liber Job.* Textus Vulgatae, nulla tamen *Versuum* distinctio, neque illa *Capitum* divisio, quae hodie obtinet. Ad calcem minio: *Explicit liber iob. versus 7. dcctos. habens*; *Incipit prosa.* Haec *Prosa* nil est aliud, quam iudicium, quod Hieronymus in *Epist. ad Paulinum* de *Jobo* tulit; unde etiam subscribitur: *Hec Hieronymus de Job.*

II. fol. 22. *Incipit liber ysaiæ prophetae.* Eadem conditione, qua praecedens. Ad calcem: *Explicit ysaias propheta. vers. III. d. lxxx.*

III. fol. 64. praemissis *Eusebii Canonibus* nitide delineatis, abs-

que inscriptione *Quatuor Evangelia* τὴν Ἀγέμειαν marginibus praeferebat, et *Matthaeus* quidem absque Prooemio, et hac clausula: *Explicit euangelium secundum mattheum habet uersus VII. dcc.* *Marcus* vero praemisso noto illo argumento: *Marcus euangelista dei electus et petri in baptismo filius* &c. et ad calcem: *Explicit euangelium secundum Marcum. ha-*

*bet uersus. I. dcc.* Tum *Lucas* pariter praemunitus argumento illo: *Lucas syrus antiochenensis. arte medicus* &c. et ad calcem: *Explicit euangelium secundum lucam habet uersus. III. dccc.* Demum *Joannes*, cujus argumentum: *Hic est iohannes euangelista unus ex discipulis* &c. Hic vero nulla ad calcem subputatio, sed ejus loco:

*Explicit iste liber sit scriptor uerbere liber.*

Quod quidem metuere non debebat; ita non adcurate minus, quam eleganter pensum persolvit.

XLIV. VIII E. 9.

Thesl. 358

Codex membraneus lat. theotisc. Sec. XI. Folior. 42. f. et quidem, ut Cl. *Lambecio* L. II. p. 771. edit. *Kollar. col. 569.* visum, propria Autoris manu perquam nitide scriptus, rubricisque decoratus continet labores *Willeramii*, s. *Willirami*, s. *Wilrami* Abbatis in *Cantica Canticorum*, ita, ut Textus ipse vulgatus columnam mediam caractere grandi obtineat, ad dextram Paraphrasis latina versu hexametro leonino, ad finitram vero Expositio prosaica theotisca, immixtis tamen passim latinis vocabulis, adsistat. Fuit *Willeramus* Abbas Coenobii S. *Sebastiani Eberspergae* in *Bajouaria*, *Fulda* illuc evocatus, obiitque diem an. MLXXXV. Ita et *Codices Mss.* testantur, et *Anonymus Mellic.* et *Menrad. Moltberus* in *Praef.* ad editionem prin-

cipem *Paraphraseos* nostrae latinae, *Expositionisque* prosaicae theotisca sed miro consilio latine a se versae *Haganae* 1528. 8. quam editionem non *Lambecius* modo, sed et *Schilterus Scherzsius*que, ut T. I. *Thesl. Antiquit. Teutonic.* adparet, ignoravere, rati *Willeramum* primum editum fuisse a *Paulo Merula Lugd. Bat.* 1598. 8. Erravit itaque *Tritheimius* cum in *Scriptt. Eccl.* tum in *Viris illustr. Germ.* et alii post eum, *Willeramum* Abb. *Mersburgensem* faciendo, qui error nec in *Fabricii Bibl. Eccl.* correctus est. Multa porro de praesenti ejus Opere in *Lambecio L. suprac.* multa in praeclara ejus Editione *Ulmensi T. I. Thesauri* mox memorati 1726. f. quae mihi otium faciunt. Cum vero in hujus Editionis *Praef.* dicat *Schilterus*, spem obtinendi *Codices* nostri eum fefellisse, siquidem *Codices* usus ab ejus temporis Praefectis simpliciter illi negatus fuerit, ut inofficiosum, ita et a mente *Augusti* Possessoris alienum dicam. Quod si vero postularit